



Te Avae Me 1960

TE HEHEURAA API

LES "ARTICLES DE FOI"

ONZIEME ARTICLE DE FOI

"Nous réclamons le privilège d'adorer le Dieu tout-puissant selon les inspirations de notre conscience, et nous concédons à tous les hommes ce même privilège d'adorer comme ils veulent, ou ils veulent, ou ce qu'ils veulent."

Le droit d'adorer est basé sur le grand principe du libre arbitre. Quel est ce principe? C'est la liberté de choisir—soit le bien, soit le mal, mais cette liberté, ce droit nous a été donné par Dieu, et personne ne peut nous l'enlever. Nous avons tous ce droit de croire et de penser comme nous le voulons, mais dans la limite seulement dans laquelle nous ne portons pas atteinte aux droits d'autrui.

Il ne serait pas plus juste de tenter d'arrêter une personne d'adorer le soleil, la lune ou un animal, si elle le désire qu'il serait juste qu'elle nous empêchat d'adorer le Seigneur Dieu.

Cela veut-il dire que nous ne devons pas essayer d'enseigner ces gens? Non! Car nous sommes justifiés lorsque nous convertissons les hommes à la vérité par le raisonnement et la persuasion, par la patience et la loganimité. En vérité, ne nous est-il pas commandé d'appeler tous les hommes à la repentance? Mais non par la force, le mensonge ou la coercition.

Que signifie le mot adoration ou culte? L'adoration c'est l'amour et la révérence; dans le cas de la religion, c'est l'amour de la révérence de Dieu. La somme d'amour et de révérence que nous avons envers le Seigneur, c'est la somme d'adoration que nous avons. La somme d'adoration—si elle peut être jaugée—que l'on exprime est basé sur la compréhension de Dieu.

L'adoration est-elle une question de forme? Est-ce aller à l'Eglise? Est-ce paraître juste? On peut répondre en posant les mêmes questions au sujet de la prière. La prière est-elle une question de forme? Cela consiste-t-il simplement à répé-

ter par coeur une forme apprise, à dire les paroles qui conviennent dans des phrases émaillées de fleurs de rhétorique?

L'adoration sincère s'exprime par l'amour altruiste et le respect du Seigneur.

On ne peut pas servir le Seigneur dans l'ignorance. La connaissance du Tout - Puissant est essentielle à l'adoration. Il est évident, même axiomatique, que plus nous apprenons à connaître le Seigneur, sa personnalité divine, ses oeuvres, ses voies, ses buts et ses desseins, plus pleins et plus sincères seront notre culte, notre adoration, notre amour et notre respect pour lui.

Le Seigneur aime-t-il un adorateur réticent? Demandez-vous qu'on le loue, qu'on le serve et qu'on le révère à contre-coeur? Toute communication avec le trône des cieux doit être sincère. Tout ce qui serait moins que cela serait hypocrisie.

Devons-nous tolérer la croyance de quelqu'un que nous savons se trouver dans l'erreur? Selon les Ecritures, nous n'avons pas le droit d'être intolérants. Le Sauveur a dit que nous devons aimer nos ennemis. Vous vous rappelez certainement les paroles du Sauveur à Jacques et à Jean, lorsque ceux-ci se mirent en colère contre les Samaritains qui avaient manqué de respect à Jésus. Ils voulaient faire descendre le feu du ciel pour consumer les incroyants, mais Jésus leur dit:

“Vous ne savez pas de quel esprit vous êtes animés. Car le Fils de l'Homme est venu, non pour perdre les âmes des hommes, mais pour les sauver.” (Lire Luc 9:51-56)

Le Sauveur a dit aussi: “Mais moi, je vous dis: Aimez vos ennemis, bénissez ceux qui vous maudissent, faites du bien à ceux qui vous haïssent, et priez pour ceux qui vous maltraitent et qui vous persécutent, Afin que vous soyez fils de votre Père qui est dans les cieux; car il fait lever son soleil sur les méchants et sur les bons, et il fait pleuvoir sur les justes et les injustes. Si vous aimez ceux qui vous aiment, quelle récompense méritez-vous? Les publicains aussi n'agissent-ils pas de même?” (Matt. 5:44-46)

Nous devons apprendre, et c'est là une des grandes leçons de cette vie, que nous devons vivre avec les gens, que nous les aimons ou non. Cela veut-il dire que nous devons accepter leur façon de vivre et leurs croyances, approuver leur conduite? Non! Nous ne devons certainement pas compromettre nos principes.

Nous devons apprendre à être tolérants les uns envers les autres, mais nous devons nous opposer à ce que nous ne croyons pas être juste. Cependant nous devons accorder à autrui le droit de croire et d'agir comme il l'entend.

Ne serons-nous pas tenus responsables de nos actes et de nos croyances? Certainement! Tout degré de gloire que nous atteindrons dans l'au-delà dépend de nos actions ci-bas, et plus nous nous montrons obéissant aux commandements du Seigneur, plus grande sera notre gloire dans l'au-delà.

Soumis par l'Ancien Toni Stone

Te Tomoraa Hanahana I Roto Ia Ierusalem

(Mataio 21-22.)

Ua parau a'era Iesu i ta'na mau pīpī, ua fatata oia i te haere i Ierusalem, e ia tae oia i reira e haruhia oia e to'na ra mau enemi e e faasataurohia oia. Te fatata maira taua tau ra. Rave ihora te Fatu i ta'na mau pīpī e haamata'tura i to ratou haereraa hopea i te Oire Mo'a ra.

I to ratou fatataraa i te Mo'a o Oliveta ra, tonu atura Iesu i na pīpī na'na e piti i te oire iri i fatata mai, e parau atura oia ia raua, ia tomo raua i roto i te uputa ra. e ite ia raua i te hoé asini apī i reira, tei ore â i parabihia e te taata ra. Ua parau atoa'tu oia e, mai te mea e ani mai te fatu o te animala i te mea ta raua i hinaaro ra, e parau atu ia raua, Te hinaaro maira te Fatu.

Ite atura na pîpî i te asini apî ra mai ta te Fatu i parau mai ra. I to raua haamataraa i te tatara i te reira, ani maira te mau fatu e, eaha te tumu raua i na reira'i. Pahono atura raua, "*Te hinaaro maira te Fatu.*" E i reira hopoi atura te na pîpî i te asini ia Iesu ra. Tuu ihora raua i to raua ahui nia iho i to'ua ra tua, e paiuma ihora Iesu i nia iho e pa'ahi ihora i nia iho e haama'tura ratou i to ratou haereraa i te oire ra.

E a haere noa'i oia, na hinaaro te tahi pae o te mau taata i te faa hanahana ia'na e hohora ihora ratou i to ratou mau ahui nia i te e'a'tia, e na na ô ratou i te parauraa e, "*Ia haamaitaia te Arii o tei haere mai na roto i te i'oa o te Fatu; ei hau i te ra'i e ia hanahana i te vahi teitei.*"

Haere atura te mau taata i te rahiraa, e ua tano atura to ratou mana'o i te ohipa e ravehia ra. Ua rave rahi to ratou tei tapu i te mau amaa raau no te vauvau atu i nia i te e'atia e haerehia ra e te Fatu. I to ratou na reiraraa, ua pii ratou ma te reo rahi, "*Hosana te Tamaiti a Davida; ia ora oia o tei haere mai ma te i'oa o te Fatu, Hosana i te ra'i teitei.*"

Ua rave rahi te mau taata tei haere mai no te hi'o i te ohipa e tupu ra, e ua ui atu ratou, ia fatata i te oire, "*O vai teie?*" Ua parau atura taua tiaa taata rahi atoa ra, "*O Iesu teie, o te peropheta o Nazareta i Galilea ra.*"

Te vai atoa ra te tahi mau Pharisea i roto i taua tiaa ra e ua riri roa ratou i te mea te oaoa ra te mau taata e te parau ra hoi ratou e, o Iesu to ratou arii. Parau atura ratou ia'na, "*E te orometua, e a'o a'e na oe i to mau pipi.*"

Pahono atura te Fatu ia ratou, "*Teie ta'u parau ia outou, ia mamû noa ratou nei, e pii noa mai ia te mau ofai nei.*"

E a hi'o mai ai oia i te oire, mai nia mai i te Mou'a Oliveta ra, oto ihora oia no te mea na patoi mai to'na mau taata ia'na, e ua ite hoi oia i te mau peapea te tae mai i nia ia ratou no te reira.

I to'na tomoraa i roto i te oire haere atura oia i te hiero. Ua ite faahou oia, mai te matamua ra, ua i te reira i te taata te hoo ra i te puaatoro, te mamoe, te mau uupa ra e te hoo atoa râ ratou i te moni. Tiahi faahou atura oia ia ratou e faa tiopa'tura oia i te mau iri a te mau feia hoo moni ra. Na ô atura oia ia ratou, "*Ua oti hoi i te papaihia e, E fare pureraa to'u nei fare, i faarirohia iho nei râ e outou ei ana eiâ haru.*"

Oaoa ihora te mau paruparu e te mau matapo i reira i te mea ua haere faahou mai oia. Haere ana'e atura ratou ia'na e ua faaora oia ia ratou atoa.

E i te faaroora te mau tahu'a rahi, e te mau papai parau, i te parau no to'na tomoraa hanahana ra, e te mea ta'na i rave i roto i te hiero, tupu atura to ratou riri i te rahi-roa-raa.

I te reira arui haere atura Iesu i Betania no te taoto i reira, e i te mahana i muri iho ho'i faahou maira oia i Ierusalem. Aita oia i amu i te maa e ua poia oia. Hi'o a'era oia i te hoê tumu suke i te pae aratia, haere atura i pihai iho ma te mana'o i te rave i te maa a amu ai i te reira; aita ra e maa to nia iho. Parau atura te Fatu, "*Eiaha roa'tu ei maa e hotu i nia ia oe na.*" Oriorio a'era te tumu suke e pohe roa'tura.

I to Iesu haere-faahou-raa i te hiero, ani mairate mau tahu'a rarahi ia'na e, na vai i horoa mai i te reira mana ia'na, aita râ oia i faaite noa'tu ia ratou. Ei monoraa i te reira faahapa'tura oia ia ratou no ta ratou mau hara. Te hinaaro râ ratou i te haru ia'na, tera ra na ite ratou e, ua

here te mau taata ia'na, e na māta'u hoi ratou i te mau taata.

Haere atoa maira te mau Sadukea ma te opuaraa ia mau oia i te marei ia ratou, area ra ua haamamū oia ia ratou.

A faaroo ai te mau Pharisea i te mea i tupu i nia i te mau Sadukea ra, tonono maira ratou i te mau haapii ture no roto ia ratou no te tamata ia tuu ia'na i roto i te marei, ia tia ia ratou ia pari ia'na i te ohipa ino ra, e ia tapeahia oia ra.

Ani maira te haapii ture e, "*E Rabi, teihea te parau rahi i roto i te ture?*" Pahono atura Iesu, "*Hinaaro oe i to Atua ia Iehova ma to aau atoa, e ma to varua atoa, e ma to mana'o atoa. O te ture matamua teie e te hau i te rahi. E mai te reira atoa te piti: E aroha'tu oe i to taata tupu, mai to arohu ia oe iho na. Te ture atoa e te mau peropheta, tei teie nei ia na pue ture e piti nei.*"

Fariu atura te Fatu i te tiaa taata ra e faaara'tura oia ia ratou i te mau papai parau e te mau Pharisea ra. Ua parau mai oia e, te faabepo nei ratou i te taata ma te faateitei a'e ia ratou iho i nia a'e i te mau taata noa ra. Na ô atura oia, "*Auê outou, e te mau papai parau e te mau Pharisea, e haavare outou! te opani nei hoi outou i te basileia o te ao i te taata nei; e ore outou iho e tomo, e te feia e tomo ra te tapea nei outou. Te rave pau roa nei outou i ta te mau fetii a te mau vahine ivi; e te haamaoro nei i te pure ia tapo'i, e rahi ia to outou pohe i te reira. E au nei hoi outou i te mau vairaa tupapau i faateateahia ra, o tei nehenehe i rapae au a'e, area o roto ra, ua i ia i te ivi taata pohe, e te mea faufau. E te mau ophi e!, e te mau fanau'a ehidena e! Eaha outou e ora'i i te pohe ra i te po?*"

E i reira parau atura oia no te oire, na ô atura oia, "*A tae hoi oe e Ierusalema e, e Ierusalema e! o tei taparahi i te*

mau peropheta, e te pehi hoi i te ofai i te feia i tonohia'tu ia oe na e, e rave rahi to'u haaputuraa i to tamarii, mai te moa e haaputu i to'na fanau'a i raro a'e i to'na pererau ra; aita râ i tia ia outou. E teie nei, to outou utuafare e tuuhia'i i te ano.'

E i reira haere atura Iesu, e ta'na mau pīpī, i rapae i te hiero e parau atura ia ratou e, e tae mai te tama'i e te roo tama'i, te aneueraa fenua e te mau huru ma'i atōa i nia i te fenua nei; e haamouhia o Ierusalema e e vavahihia te hiero e eita roa te hoê ofai e vaiihohia i nia iho i te tahi.

Marcel Bonnet

E A'oraa No Te Amuiraa Atopa 1959 Na Spencer W. Kimball.

Tuatiraa.

To outou parau tuatapapa, oia hoi, te Buka a Moromona, tei mairihia te i'oa o te taata rahi tei papai i te reira, na'na ia e haa mara mara nei i te mau tohuraa e rave rahi o te Bibilia ra. E iritihia te mau tapea o te reira, e tuu-faahou-hia-mai te mau parau mau. Na te reira e faaite nei i to outou mau taeae, na opu Hoê Ahuru i mo'e atu no Babylonia ra, i te mau fenua i te apatoerau ra, a haere mai ai to outou mau tupuna i te pae o te tooa o te râ, i teie nei fenua apî. E haere-faahou-mai ratou, e to ratou mau peropheta, e ta ratou mau parau tuatapapa mo'a, ei ite tootoru no te Mesia. E i reira, na Opu Hoê Ahuru ra, o outou, te ati Lamana e tei faaroo no rotapu ia matou nei, tei amo atoa i te toto o Iseraela, tatou e amui ai no te paturaa i te oire na to tatou Atua, te Ierusalema apî e to'na ra hiero nehenehe. E ia tae mai te hopearaa o te mau tau e tae mai ia te tau o te Meleniuma, e e haere-faahou-mai te k'atu, o Iesu Mesia no te aratai i to'na ra mau taata, e e faapî-faahou-hia te fenua nei i roto i to'na ra huru paradaiso ra.

E tau mau taeae, e tau mau tuahine ati Lamana e, : Te here nei matou ia outou. Ua riro to matou poiraa'tu i te Evanelia ia outou mai teie: "*ua faaauhia te reira i nia i to ratou tautururaahia e te mau Etenera, e i te hopoiraahia i nia i to ratou ouma e to ratou tapono.*" (1 Nephi 22:7-8.) Ua faatupu to outou Atua i te mau semeio rahi; ia papaihia to outou parau tuatapapa e te mau Peropheta; te faaherehere-raa i te reira ia ore ia ino i te mau enemi, e i te maoro hoi o te tau, e ia iritihia te reira i roto i te hoê reo tia ia outou ia haroaroa, e i te afai mai ia outou teie tere piti o te Mesia ra.

Ta outou Buka a Moromona, o te reo mai ia no roto mai i te repo, te poroi a te mau feia i pohe ra, te mau faaararaa no ô mai i te Fatu ra:

"*E FARIU MAI OUTOU IA'U, E NA'U E FARIU ATU IA OUTOU*" te parau maira te Fatu Sabaota ra. (3 Nephi 24:7)

Te tiaoro ra mai te Fatu:

"*Atae hoi tei vahavaha'tu i te mau raveraa ohipa a te Fatu ra; e atae hoi tei huna i te Mesia i ta'na mau ohipa.*" (3 Nephi 29:5)

Ua faahereherehia outou no teie nei tau e te vai nei te Evanelia mau i mua ia outou i teie nei. A tamâ i to outou mau aau i te toto o te Arenio. A tamâ i to outou mau oraraa, a haapii i te mau papairaa mo'a e a farii i te Evanelia e to'na ra mau oro'a ra.

E tia ia faatupuhia teie nei mau toburaa e i te faataehia'tu ia outou na roto i te hoê e'a, oia hoi, te e'a o te parautia e te faaroo, ia ore ana'e ra, e riro ia teie nei mau fafau-raa ei mea faufaa ore, mai te moemoea tei ore i faaotihia ra.

Te parau atu nei au e, o te parau mau te reira.

Marcel Bonnet

Parau Taa-é-raa.

Ia ora na to te Ekalesia e te mau hoa atoa. E oto iho â te taata i to'na faarueraa i te hoê fenua tei riro ia'na mai to'na iho fenua aia. E oaoa atoa râ oia mai te peu e, ua tupu i nia i taua mau fenua ta'na i faaea ra te hoê mau tiare nehenehe ta'na i tanu i reira. Ua haamaitai ia oia i te reira fenua. Ia faarue râ te mau tavini a te Fatu i te mau fenua ta ratou i poro haere i te Evanelia a Iesu Mesia, noa'tu to ratou oto i te revaraa, ua rahi atoa to ratou oaoa no te mea ua tann ratou i te hoê mau huero tei hau roa'tu i te mau huero tiare, oia hoi, te mau huero evanelia tei tupu ei raau ora i roto i te aau o te mau taata i reira. Ua hau a'e to ratou haamaitairaa i taua mau fenua nei i to te taata tei tanu i te mau huero tiare.

No reira, a faarue ai au i teie paeau moana, te haama-nao nei au i to'u mau faaeraa i tera motu e tera motu, e to'u ueueraa i teie mau huero evanelia i reira. Ua amuhia paha te tahi e te mau manu. Ua taataahibia paha te tahi i raro a'e i te avae taata. Ua tupu râ te tahi e te tupu noa nei â. E no reira, te faaitoito nei au ia outou, e te mau taata ta'u i matau e ta'u i haapii e; Eiaha to outou faaroo ia paruparu. Eiaha atoa ia poha. Ia tupu râ outou i te maitai roa mai te Metua e maitai roa ra. Ei reira, ua noaa to'u oaoa, e to outou atoa hoi. Eita te hoê o to'u mau hoa e moe ia'u, ua here hoi au ia outou, e te tiaturi nei au e farerei faahou tatou, ia ore i onei, i ô ra i te haavaraa o te Atua. Ia ora tatou i te Mesia, Amene.

Terii Orometua (G. Hugh Duplisea)

To'u Mau Hoa I Te Paeau Moana Nei.

E To'u mau hoa here i teie Paeau moana nei. Inaha te tupu nei te peapea i roto i to'u aau i teie mau mahana nei, no te mea e, ua fatata roa vau i te taa ê atu ia outou. Na roto i teie taime te haamana'o nei au i te mau mea maitatai atoa ta outou i rave i nia iho ia'u. Na roto i te reira rave-maitai-raa ta outou ia'u, ua tupu roa to'u aroha e te here rahi ia outou paatoa.

Ia tae i to'u mahana revaraa, e riro te reira hurn taime mai te poheraa ia'u, no te mea e, eita paha tatou e farerei faahou i roto i to tatou oraraa nei. Noa'tu ra te reira, mai te mea e haapao maitai tatou i te mau mea i haapihia, te vai ra te mahana e farerei faahou tatou mai te oaoa i roto i te fare o to tatou Metua. No reira e homa, eaha ia to'u hinaaro i teie nei taime, maori ra, ia tamau itoito noa outou i teie Evanelia parau mau i horoahia'tu ia outou na, ia tupu atoa to outou oaoa mau e, e haamana'o atoa i te parau i papaihia: (I Ioane 3:18) "E au mau tamarii ra, eiaha to tatou te aroha vaha ana'e e te aroha arero: ei aroha rave râ, ei mea mau. Oia atoa te faaroo, aore e ohipa ra, e mea pohe ia.

Te haamaururu atu nei au ia outou, e to'u mau hoa here e, no to'u faaea-maitai-raa i rotopu ia outou, e na te Atua outou paatoa e tauturu, e e haamaitai, o ta'u ia pure na roto i te aroha e te here mau o to tatou Fatu o Iesu Mesia, Amene.

Iosepha Orometua

E Au Mau Hoa Here E,

E au mau hoa here e, tei riro ei mau taeae e ei mau tuahine mau no'u i to'u faaearaa i teie nei mau fenua faahiahia; ia ora na pai outou paatoa i teie farereiraa hopea i te aroha e te here mau o to tatou Fatu, o Iesu Mesia, Amene, (Ioane 13:33-35) Te tupu nei te horuhoru e te mauini i te aau i te mea e, te taa-ê atu nei ia outou na. Tera râ, ua papaihia hoi e, "E tau to te mau mea atoa." E taime to

te taeraa mai, e taime to te revaraa'tu; e tau to te oaoa e te oto atoa hoi. Ua i ihoa to'u nei aau i te oaoa i te mau mahana i mairi a'enei i te poro-haere-raa i te evanelia i rotopu ia outou na. Ua maitai roa hoi te reira. E rave rahi te mau melo e vai noa nei tei faarii ia'u e tei faariro ia'u mai te hoê o ratou. Ua ite ratou i te evanelia mai tei papaibia, "E ite outou i te parau mau e na te parau mau outou e faatiama."

Na Paea atu to'u tereraa'tu i Raiatea. Faaho'i faahou hia maira i Paea. Reva faahou atura i Raiatea, tae a'era i Patio, e faaho'i-faahou-hia maira i Raiatea. Pau atura to'u pue mahana i reira, Matan roa ino ihora vau i te mau taata i taua mau vahi atoa ra. E te faaite atu nei au i to'u mau-ruru rahi ia ratou paatoa, mai te mau melo e tae noa'tu i te mau taata e ati noa'e tei farii mai ia'u e tei tanturu maite ia'u i tera mahana e tera mahana. Te tau-ê nei tatou i te pae tino, teie râ, i te pae varua, tei te vahi hoê noa â, oia hoi tei roto tatou i te evanelia a te Mesia: te ravea ia ia tae i te parahiraa tei faanahonaho hia e Iesu Mesia. (Ioane 14:2) Teie ia ta'u poroi-raa-hopea ia outou e ati noa'e: "E faaroo na tatou i te faaotiraa o taua mau parau nei; o te Atua te mâta'u atu, e haapao hoi i ta'ua parau; o ta te taata'toa ia e ati noa'e; e hopoi atoa te Atua i te mau parau atoa i te haavaraa, e te mau mea moe atoa ra, te maitai e te ino atoa ra." (Kohereta 12:13-14.) No reira, e ta'u mau taeae e ta'u mau tuahine e, (Mataio 12:49-50) a na reira tatou ia haapaohia te mau mea'toa, mai ta Iesu parau i te pene 24 e te irava 15, a faataa na, o vai mau ia ta oe e haamori na, e haamori ia'na ma te varua e te parau mau. Na te Atua tatou e faafarerei ia tae te tau i faataahia e ana. A tae noa'tu ai i te reira ra tau, na'na tatou e tia i e e faaherehere ia maitai i te pae tino e tae noa'tu i te pae varua, ta tatou e tia i noa nei. E faaoti au i teie episetole iti na roto i te i'oa o to tatou Fatu te tumu tatou e ora ai i teie nei e a muri noa'tu amene.

Aramona Orometua

Te Aroha O Te Misioni Tahiti.

I na matahiti e piti i mairi a'enei, tae maira na orometua e toru i Tahiti nei oia hoi, o Iosepha, o Aramona e o Terii. I teie râ taime, ua tae te tau e taa-ê ai ratou ia tatou e e ho'i ia ratou i to ratou na fenua ai'a ra.

I to Iosepha taeraa mai, haere atura oia i te hoê tereraa na te paeau Tuamotu no te faatupuraa i te amuiraa no te mau amaa i reira. I te otiraa taua tereraa ra, parahi atura rana to'na hoa orometua i Fakarava e i Faaite, no te tautururaa i na amaa i reira, e ua faaea atoa rana i Takaroa no te mau ohipa no te avariraa parau. I reira to'na haama-auraa i te reo Tahiti. Mai reira, ho'i maira oia i Tahiti nei, e haere atura i Paea e Puen. I te reira taime to'na ia riroraa ei orometua faatere, e na imi oia i te mau ravea ia tere te ohipa a taua na amaa ra. Ua poro atu oia i te Evanelia i te mau taata i Paea e Puen, e ua faarii mai hoi te tahi mau taata i te reira. Ua tupu roa to Paea e to Puen here ia'na na roto i te maororaa o to'na faaearaa i rotopu ia ratou. Ua hamanibia te hoê fare putuputuraa e te hoê tahua tima no te taoraraa popo i Puen i raro a'e i ta'na faatereraa. Mai reira, tere atura oia i Raiatea ma. Ua haere oia i Taha'a e i muri iho tere atura na Huahine e Taha'a ma te tamau â i te poro atu i te evanelia i te reira mau pae fenua.

I muri a'e i to Aramona taeraa mai, ua tonohia oia i Paea, aita râ i maoro tonohia'tura oia i Raiatea, e haamata atura oia i te turu atu i na amaa huru apî i Uturoa e Avera. I taua taime râ ua ite oia i to Avera tiaraa mai ei amaa mau. Aita i maoro noaa atura ia'na te ite i te reo Tahiti. Ho'i maira oia i Paea, e i reira tomo ihora oia i roto i te ohipa a te amaa i reira e tae noa'tu i te ohipa no te poro-haere-raa i te evanelia. Aita i maoro roa, ua tono faahouhia oia i te

paeau i raro, i teie râ taime, ua faaea maoro roa'tura oia i reira. I to'na faaearea i Raiatea ua haamau roa oia i te hoê amaa papu maitai i Tevaitoa, e ua faanaho atoa oia i te hoê amuiraa iti i Vaiaau. Ua faaea atoa oia i Taha'a no te hoê taime huru poto e ua haapii haere oia i roto i te mau mataeinaa i reira. Ua tere maitai te ohipa a te Fatu i Raiatea i to'na faaearea i reira e ua here roa hia oia e to Raiatea ma no te mau ohipa ta'na i rave no ratou.

I to Terii taeraa mai i Tahiti nei, haere tia'tura oia i te paeau i raro. I reira tere atura oia na Taha'a e Huahine. Ua hahere pinepine rana to'na hoa orometua na te mau mataeinaa, e haamata atura oia i te haamataui i te mau taata i tera mau pae fenua. I te noaaraa ia'na te ite i te reo Tahiti, tonohia ibora i Huahine ia faatere i te mau ohipa i reira. Faaea maoro roa atura oia i Huahine ma te rave itoitō i te pororaa i te evanelia e te tururaa i te mau melo te noho nei i reira. Ua faanaho oia i te hoê amaa no te mau melo i Puaoa, e ua haamau oia i te hoê amaa apî i Haapu na roto i te faafariu raa mai i te hoê mau taata maitatai i taus mataeinaa ra. Ua haapii haere oia i roto i te mau mataeinaa i Huahine e na roto i te maororaa o to'na faaearea e te mau ohipa maitai ta'na i rave e ua here roa hia oia e to Huahine. Mai reira haere atura oia i Tubuai no te tautururaa i na amaa e toru i reira. Tere atura oia i Makatea i teie mau mahana i mairi a'enei no te faanahoraa i te hoê amaa no te mau melo o te ekalesia te rave nei i te ohipa no te Saiete Phosphate i reira.

E no reira, na roto i teie taime taa-ê-raa te faatae atu nei to teie nei misioni paatoa i to'na aroha ia outou e teie na orometua here e mai te parau atu e, ia ora na outou i te aroha o te Atua!

Iosepha R. Reeder. (Peresiaeni Misioni)

PARAU RII API

Te Amuiraa Eperela I Papeete.

I te 2, no Eperela, i te hora 2 i te abiahi, ua faaterehia te hoê pureraa a'oraa Evanelia, teie te parau tumu i horoahia mai, Roma 1:16. Te hora 8 i te po, te mau haapiiraa hohoa, (Pièce), e te oriraa Popaa, ua i te fare taoraraa popo i te taata.

I te 3 ua faatere faahou hia te tahi mau pureraa a'oraa Evanelia, te parau tumu ihoa i faaitesia i nia nei Roma 1:16, e ua taea te rahiraa o te mau taata i te 300 e tiabapa, i te po i te hora 7 e te afa, na te feia apî te mau a'oraa e ua i roa te fare pureraa, e na oaoa paatoa to te Ekalesia. Ua tae atoa mai te mau melo o Paea, e to Papenoo atoa hoi.

Amuiraa i Takume.

Ua tae mai te parau faaite no Takume mai e, ua faatere atoa ratou i te tahi mau Pureraa a'oraa Evanelia, e mea oaoa, e mea maitai atoa te mau ohipa no ta ratou amuiraa. Ua taea hia i te 40 taata te rahiraa.

Te Amuiraa I Tubuai

Ua tae mai te faaiteraa a te Peresideni no te Amaa Taahuaia e, e mea maitai roa e e mea taata roa hoi te amuiraa no te mau melo i Tubuai tei haapaohia i to'na amaa i te 6 no Eperela.

Amuiraa i Takaroa.

I Takaroa ua amui mai to Takapoto no te mau ohipa o te amuiraa, ua faaterehia te mau pureraa a'oraa Evanelia na te Autahu'araa, te mau Tuahine, te mau feia apî, e na te amuiraa paatoa hoi. Ua faatupu atoa ratou i te mau hautiraa taora popo e te oriraa e te tamaaraa.

Amuiraa i Haapu Huahine

I Haapu na faaterehia te mau pureraa a'oraa evanelia e te hoê oriraa atoa na te feia apî.

Te Hoho'a No Ta Tatou Ve'a. Te Hoê Fare Toro'a Na Te Ekalesia

I nia i to tatou tapoi ve'a no teie ava'e ua itehia te hoê fare toro'a no te Ekalesia i Roto Miti, Utaha. E fare Rahi teie, area râ, no te rahiraa o te mau ohipa a te Ekalesia ua patu-atoa-hia hoi te tahi mau fare no te faaoti maitai i te reira. E maha ahuru metera to'na aano, e e hitu ahuru hoi metera i te roa. E pae tahua to'na no te mau piha toro'a no te mau taata faatere o te Ekalesia.

Tei roto hoi i taua fare nei te mau ohipa na te Peresideniraa Matamua, e no te mau Aposetolo, e no te pupu matamua no te Hitu Ahuru, no te Episekoporaa matamua, no te taata i raro a'e ia ratou, mai te Tomite no te faatiaraa i te fare e te mau taata hoo taihaa no te Ekalesia.

Tei reira atoa te mau buka io'a no te Ekalesia, oia hoi te mau parau tuatapaparaa no te mau melo atoa no teie nei tau e hoê milion e ono hanere tauatini, e tei reira atoa te mau tuatapaparaa no te mau taata i pohe, oia hoi te mau melo no te Ekalesia e to ratou hui tupuna no te tau tahito roa ra.

Ua vaiihohia te mau minuti no te mau pureraa oro'a e te tahi atu â mau pureraa i roto i taua fare nei. E tei reira atoa te tahi mau buka haapiiraa e te tahi mau ohipa ta te mau A'maa i hinaaro no te ohipa a te Autahu'araa.

No reira no roto mai i taua fare nei e operehia'tu ai te mau ture e te mau ohipa a te Ekalesia ia faatiahia te tohuraa a Isaia o tei na ô mai e, "*I na Ziona'tu hoi te ture i te reva-raa'tu, e te parau a Iehova, i na Ierusalema'tu ia.*" Isaia 2:2-3